

中國方志叢書·華北地方·第五五七號


據

民國·王存德修，高增貴纂
民國三十一年鉛印本

影印

甘肅省

臨澤縣志



成文出版社有限公司印行



10107808

中華民國六十五年 月臺一版

臨澤縣志

全冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一二四七號

創澤

脩縣

臨志

高一涵題



臨澤縣志序

方志之作所以紀山川形勢民俗文物使後之覽者得悉一邑之沿革利病以爲興革之準則意至深也

余來甘之翌年奉命主持民政嘗諮訪各縣風土文物以爲施政之準備抑以實施新縣制之進程中欲期推行盡利因應咸宜更非深知各地之實際情況不爲功是以方志之研討實不容緩

客冬出巡隴東每至一縣必索閱邑乘然或年久失修未詳近事或燬於兵燹殘缺不完或體例陳故不合時代欲求一有裨實用關係治道者不可得也因慨然有倡修縣志之志遂於每次縣長履新時輒以注重地方文獻相期勉并於今春有組設省縣志編纂委員會之議蓋欲使負各縣政之責者咸能致力於此

行湘鄉章君表軒前宰臨澤未期年而著循聲有鑒地方文獻之無徵於
勤政之餘創修縣志閱三月而書成索序於予予以其體例新穎側重實
用且嘉其能注重地方之文獻也因序此以爲各縣勸

中華民國三十二年五月王漱芳序

臨澤縣志序

吾友章君表軒攝臨澤縣篆未期年政通人和百廢俱舉廼於倥偬之際撫循之暇糾集地方士紳編纂縣志裒然成帙頃奉調來省手以見示其甄采之周詳考據之博瞻姑弗置論而尤注重於物產之分類物價之調查與夫民族戶口風俗習慣之詳晰紀載一洗吾國往昔方志家詳於列傳藝文而略於實用之陋習且在設縣未久文獻無徵之臨澤於短期內完成巨著雖由於編輯諸君子之勤奮從事然非主政者督促指導曷克臻此表軒爲吾友集虛之弟集虛參戎戰區以將略知名當世表軒宣勤劇縣循播隴右一門兄弟媲美二難序斯編竟不僅神往於章氏之多賢而尤願吾隴各令長力効表軒之勤於爲政也

中華民國卅一年十二月趙龍文序

15 21 2

臨澤縣志序

夷考方志之始蓋出自晉乘楚壽杞魯春秋而其綜賅刑政禮樂風土山川則託體書志揆之近世科學殆合史地而一之史與地殊科而同用相乘而互翼原無嚴格之界劃故吾國四郡屬地於史而西洋地理學家又多以地釋史合史與地然後能經緯旁通而爲一切國家建設之所根據此方志之爲用也

予弱冠摻觚卽喜治史地及宦遊江漢每載圖籍自從登臨山川流連方物輒有契於顧景范章實齋之說比受命來甘督察六區行政是區爲漢武威張掖二郡之地古屬籌邊要塞今亦國防重鎮間嘗取各縣志讀之多有清乾隆間所修旣舛於體例復與時代不合未足以傳其地卽有共諸君子重事檢校之意章君金瀧長臨澤以其地固無志而山川之稱未

發文物之美不宣者且數千年一旦決起董耆宿之所傳合晚近之設施
勒成此志其勇於發凡蓋先我而得顧章之心者矣屬爲序又奚辭

中華民國卅一年七月金陵何昌榮序

臨澤縣新志序

夏禹導弱水至于合黎弱水古溺水俗所稱爲黑河者也合黎山名在甘肅張掖山丹高臺酒泉四縣之北延長三百餘里而臨澤適居其中漢武置張掖郡所屬有昭武縣卽今臨澤縣晉避司馬昭諱故改今名晉以後之盛衰興廢見於史書者亦第紀其大略而已清於此設撫綏廳仍以邊徼視之民國改稱臨澤縣地則猶是也而文獻不足徵矣

萬物發生於東南而收功於西北今我

蔣委員長注重西北欲復漢唐之盛與歐亞兩洲交通之故道於是輶軒使調查團日絡繹於涂凡由內西北往外西北經過西北走廊之臨澤升高以望合黎之山憑弔南北涼交戰之區訪詢西夏鎮夷郡黑河建橋敕碑而甘鎮志已片紙無存故甘州府志所載撫綏廳事雖語焉亦略而不

詳況自清乾隆四十年以迄於今關於吾華國民史之資料檔案所保存父老所傳聞樞府所頒行之政令倘無人編而爲志爲後人作參考之資豈不大可惜哉

方志之書或尊之儕於史蓋鄉史者國史之分而一方之史卽全國之史之基也昔闕駟箸十三州志張太素修敦煌志二十卷當時必有可因之典籍臨澤苦無所因欲編纂成書難矣不畏其難而勇於從事其在良有司哉今年夏省府社會處趙處長出今臨澤章縣長所修新志屬爲序以弁其簡端余聞之喜曰此誠難能可貴者也披而讀之述既往敘現在籌畫將來具此三者志之體例備矣雖其間不無遺漏而創作之初適應乎時世所需要急宜付印以慰乎爭先快覩者之心

夫臨澤素有張掖塞之稱豈非以地有沙漠爲自古用兵區耶今則聲名

文物與腹地侔沙河小學爲河西冠流沙河兩岸所樹楊柳已成行皆章
縣長力也倘能久於其任經營實業化沙磧爲田疇豈非功之尤大者乎
中華民國三十一年冬十二月鎮原慕壽祺序

創修臨澤縣志序

臨澤在遜清時爲撫彝廳隸屬甘州光復後改劃爲縣關於歷代建置沿革向無專書紀載僅略附府志而已辛巳夏金瀧捧檄蒞臨感於歷來治亂之起伏習俗之推移疆域陵谷之變遷人物官師之互異均與現代政教息息相關苟非專輯志書不但文獻湮沒無以備軒輅之採卽目前推行新縣制亦難以鑒往知來藉收因應興革之効爰提諸縣政會議籌款設局積極進行並將刼餘舊稿重新整補仍聘高季良先生肩任總纂另延趙君毓璣協襄其事數月以來規模畢具披閱初稿覺建置沿革考證精詳有補府志之所未載而尤以興廢治亂士習民風與夫名宦鄉賢之懿行嘉言攸關治理之藝文雜俎靡不旁搜博採引申記述其稽古之勤任事之勇有足多者茲當纂編告竣排比付梓吾知是志創成邑之人必

能戶誦家絃相與感發乎心志立懦廉頑同臻邳治則金瀧雖無較可之
貢獻而上下千古蔚然成帙其亦有補於史乘稽考之一助也歟

中華民國三十一年六月湘鄉章金瀧謹序

臨澤縣志序

縣志之作爲史學之基礎縣志不詳則省志無所取材卽國史難資考證若是乎其不可苟也是以縣志宜詳爲編次否則時過境遷卽將從前散亂淪落之事棄廢磨滅之跡散佚難稽況近年風氣丕變人事日繁若務簡潔寥寥數章何以寫政教嬗變之由以爲改革推行之本哉臨澤向無縣志民國紀元前官署亦常派員採訪時作時輟迄未編成一類民國十八年甘肅省政府令催各縣編輯縣志藉以周知各縣疆域之沿革山川道途之廣狹民族及物產之種類風俗之轉移戶口之增減開化之程度官師之姓名學校之建設藝術之嫻習等項同時甘肅通志局亦來函徵集上項資料以爲續修省志之需縣長陳萬選遂聘鄉前輩韓伯隆喬世臣白周卿爲編纂良邑人也桐昧無知質愧鳩庸亦在聘任之列辭之不

獲濫竽其間惟事爲新創無從着手或依甘州府志所載或據縣署檔案所存或採紳耆所說廣詢博採旁援直據輔之以已見化裁變通壹是皆以時代爲本自遜清乾隆十八年以至民國十九年所有過去散亂淪落之事棄廢磨滅之跡分門別類正在編輯而經費已竭因之中輟至編就各類因當時四人分工合作缺乏時代性難成一家言其中重複挂漏之疵湊合雜揉之弊均所不免本擬從長糾正之彌縫之修飾之潤色之柰韓喬諸前輩年逾七旬精神頹衰日復一日年復一年迄未重張旗鼓繼續纂修今則韓喬白三先生相繼逝世矣良怒焉心傷頭白可期汗青無日及今不言後將誰述前縣長王公存德聘良肩總修之任縣長章公金瀧素於文獻甚爲關心遂於本年四月偕趙君毓璦同檢舊稿繼修新志惟經民二十五年冬之兵燹劫火延燒掌故闕略公私所藏強半無存姑